



Diario



pa Aruba

The Beer That  
Made Milwaukee Famous

## EISENHOWER E biahanan reciente a fortifica e amistad y confianza

WASHINGTON, 28 juni — Presidente Eisenhower a bisa pueblo Mericano den un discurso via television, cu e ratificacion dje pacto nobo cu Hapon ta „un victoria importante pa mundo liber y un derrota pa comunismo internacional”. E presidente a bisa tocante su biahanan reciente pa lehamo oriente, cu nan a fortifica e amistad y confianza.

Parce cu e comunistanan a dicidi cu e biahanan aki tin tantu bator positivo den e lucha contra e imperialismo comunista, cu nan ta trata na tur manera di evita Eisenhower di bishita algun pais, asina e presidente mes a bisa.

Eisenhower a bisa cu e comunistanan a presenta tur sorto di motibo na Paris luna pasa, pa e no hanja bai Paris. Eisenhower ta di opinion cu e bishita tabata inoportuno pa nan.

E rusonan a haci tur loke tabata posible hunto cu nan colaboradornan na Peking, pa causa e incidentenan na Tokio, cu a obliga gobiernu hapon di suspender su invitacion na Eisenhower. „No ta Merca cu a causa e incidentenan ey. Nos aki na Merca, no mester comete e error di duna nos mes falta di loke e comunistanan ta haci. Comunistanan semper ta actua

como comunista asina Eisenhower a bisa.

E presidente mericano a declara cu e no tin intencion di haci mas biaha di bon voluntad, como cu ta sobra masha poco tempo ainda, prome cu e tuma su retiro na januari. Pero si socede algo inespera den futuro cer-

cero, lo mi no hesita ningun second de pa biahha atrobe, asina el a bisa.

Eisenhower a bisa cu e ta lamenta e hecho, cu Rusia a retira for dje conferencia di desarme. Tabata y ta necesario, asina el a bisa, pa mustra mundo continuamente cu Merca tin un gran deseo di paz y cu e ta dispuesto na sinta na un mesa di conferencia cu tur pais cu tambe ta demostra cu e ta dispuesto na tene discusionnan honrado. Pero nos a bisa claramente for di eunimamentu cu mientras cu no tin un berdadero progreso den desarme mutuo, nos prome deber ta pa mantene nos defensa fuerte, moderno y cla pa accion.

## Cometidornan di atentado contra Betancourt arresta

CARACAS, 28 juni — Poliznan Venezolano a anuncia ajera, cu e personanan cu a comete e atentado contra presidente Betancourt dia biernes, Lorenzo Mercado y Luis Cabrera, a worde arresta. E corant „El Mundo”, a informa cu e explosivonan cu a worde usa pa comete e atentado, a worde hiba Venezuela via avion for di Sto. Domingo.

Cabrera a primi e boton cu a pone e explosivonan explota.

Poliznan di Venezuela a arresta tambe un oficial di marina venezolano, Morales Luengo y un di homber, Yanes Bustamante. Morales Luengo aparentemente a hiba e explosivonan Venezuela for di Santo Domingo y Yanes Bustamante a parker e auto cu e explosivonan aden y el a avisa Cabrera ki ora e mester primi e boton.

Vicepresidente Balaguer di Santo Domingo a rechaza fuertemente ajera tur e acusacion di Venezuela, segun cual Santo Domingo tabatin un papel den e atentado comete contra presidente Betancourt. Gobiernu dominicano ta mantene su mes estrictamente na e principio di no-intervencion den e asunto interno di otro paisnan, asina vicepresiente Balaguer a bisa.

E ministro dominicano pa e trupanan, teniente general Garcia Trujillo, a informa cu su gobiernu a proclama estado di alarma pa ehecto dominicano, pa motibo di noticianan riebri di Venezuela tin rumor tocante un campanja di gobiernu y prensa pa cuminsa un accion militar contra Santo Domingo.

General Garcia Trujillo a bisa cu e congreso nacional lo reuni awe pa scucha un rapport di presidente Hector Trujillo tocante e amenazanan di Venezuela y pa tuma medida contra e peligro di un atake. Gobiernu a propone pa proclama un mobilizacion general.

Gobierno venezolano a publica un Cu e presentacionnan di Chela semper a bai na un manera masha amical nos por mira aki riba durante e promer presentacion den Sociedad Bolivariana. Tur hende a hanja un chens di gradic, Chela mes, su manager y esposo, senyor Overloon (en microfoon) y tambe Nicolas Pina (miembro di ceremonia).



comunicado, den cual e ta bisa cu e tin suficiente prueba pa mustra unda e atentado contra presidente Betancourt a origina. E manera di traha y e medionan, cu e terroristanan a usa pa hiba arma y explosivonan Venezuela pa medio di contrabando, tambe ta conoci cerca e autoridadnan, asina e comunicado a bisa.

## Paralizacion di servicio di compania aereo Frances

PARIS, 27 juni. — E servicicion di entrada y salida dje compania aereo frances Air France a stop awe mainta tempran na e aeropuerto Orly, pero ta probable cu nan lo ta normal atrobe atardi. Personal dje toren di trafico di Orly tabatin intencion di welga awe mainta na Le Bourget, pero gobiernu a interweni y nan mester a sigui traha. Awor gobiernu a interweni na Orly tambe.

E servicicion di otro companianan di avion, si ta sigui normal.

Entre tanto e pilotonan dje avionnan di reaccion di tipo Boeing 707 di Air France ta welga. Nan ta desea di bula solamente 60 ora pa luna.

## NAN A HANJA „MARIE SOL”

ORANJESTAD. — E foto di motor „Marie Sol” NC 239 cu ya ta tres dia a sail for di Corsow a worde hanja ayera tardi pa mas of menos cinco or pa e tanker mericano „American Eagle” 40 milja for di costa di Aruba.

Mesora e loodshoot Aruba a sail pa tuma e dos tripulantenan ahordo y trece nan Aruba, na unda nan lo jega awe maarduga.

## Chela Rivero a sali satisfecho pa Corsow

ORANJESTAD. — Masha poco biaha a socede aki na Aruba cu un artista y su empresario a elogia nos isla asina tanto. Chela Rivero y su manager y esposo Sergio Herrera a sali ayera tardi pa Corsow, acompaña te na aeropuerto pa un cantidad di admiradornan, pa Corsow, pa duna ayanan un serie di presentacion.

Durante cada presentacion den nos clubnan y tambe via radio cada hez Chela y Sergio tabatin palabranan di aprecio reserva pa e hendenan di nos isla. Principalmente diadomingo anochi durante e anochi di despedida den Sociedad Bolivariana e concurrencia tabata masha grandi y esakinan na final di cada numero no a laga di mustrar nan satisfaccion cu aplausonan fuerte. Na Corsow Chela lo hanja falta di Mariaehis Aruba, cual mariaehi a companja e mejicana durante su presentacionnan na un manera masha sublime. „Pero pa Corsow Chela lo hanja e oportunidad pa demostra su bon mas mihor, ora cu (probablemente) ta un orkestra lo compaña ayanan. Ta muy probable cu despues di su actuacionnan na e isla hermana Chela Rivero lo bolbe na su emisora Radio X-EW y Televisio Mexicana.

## Cumpleanjos di Prins Bernhard



S.A.R. Prins Bernhard awe ta cumpli anja 5, por lo tanto den seno di nos Familia Real como den henter e Reindado Neerlandes tin hubilo. Nos ta agrega nos sinceramente felicitaciones na e tantonan cu Prins Bernhard lo ricibi riba e dia aki di alegria, haciendo votos na Altitimo pa conserva S.A.R. duran hopi anja mas yen di salud y felicidad.

## A SLAAG PA NAN MULO-EXAMEN

ORANJESTAD. — Esnan cu ayera a slaag pa nan mulo-examen ta: Magdalena C. Watchman, Wanda E. da Silva de Freitas, Leonida I. Henriquez, Nelson R. Wallace, Judy Wijdh, Gerda I. Sja-Akain, Marion J. Dmufries, Carmen H. Wong, Gerda H. Ho, Isenia J.L. Weaver, Leonardo Tromp, Alceira A. Tremus, Claudette Thomas, Helen L. Smith, Irma V. Romney, Fransisco J. Romero, Andres A. Rodriguez, Florence G. Reherg.

## „GANA UN JEEP Y UN BIAHA PA CARIBE”

ORANJESTAD. — „Win a Jeep and a Caribbean Trip”, nos a lesa riba un paki di Kellogg, cu a cai den nos man ayera. Pies awor ta sina leeuw. Cu 25miljon paki ta propaga Aruba, Patras dje paki tin e detallenan di e concurso, y e premio. Tur loke esnan cu ta usa e produccionnan di Kellogg mester haci ta endica entre un serie di cinco jeep, esun cu ta diferente den e serie. Ademas nan mester completa un frase tocante jeep.

E premian, dos prome premio, ta un biaha cu un estadu di dos siman den Aruba Caribbean Hotel cu tur gastunan liber (tambe e biaha pa K.L.M.) y placa pa gasta pa dos famia cu un maximo di cinco persona.

Ademas cada famia ta ricibi un jeep como premio. Por lo demas tin diestres premio mas, tur ta jeep. Despues ta sigui 3000 otro premio, esta 1.500

popchi di Aruba y 1.500 jeep chikitu (model).

E concurso aki ta corre te cu 30 di november 1960, y solamente habitantenan di Estados Unidos y di Puerto Rico por participa den e concurso aki. E prome ganadornan mester a haci nan biaha pa Aruba prome cu 31 di december 1961.

## Bishita di Frondizi i su esposa na Hulanda

DEN HAAG, 28 juni. — Ministerio hulandes di asuntonan exterior a informa cu presidente Frondizi, di Argentina y su esposa lo haci un bishita oficial na Hulanda for di dia prome te dia 4 di juli.

## 45 a slaag pa promer klas di Colegio Arubano

ORANJESTAD. — Di e 110 muchanan homber y muher cu siman cu a pasa examen di ingreso pa e promer klas di Colegio Arubano, tabatin 45 cu a slaag y 43 cu a worde admitti. Dos di e candidatonan lo bai Hulanda. Cu un candidato e examen ta sigi. E alumnonan nobo lo ser parti den dos klas. E promer curso lo cuminsa den e promer dianan di september, probablemente dia 5 di september.

E mas o menos 60 porciento cu a sak pa e examen di ingreso ta un porciento hasta halto. E director di Colegio Arubano, drs. J.H.C. Mulders, kende nos a puntra pa mas informacion ariba e asunto aki, ta mira como principal causa cu hopi di e candidatonan no tabata na e nivel cu a worde exigi pa aritmetica y algebra.

„E vakon aki no ta na nivel, e scolnan ta bai atras door di esakipone esey libremente den corant”, segun drs. Mulders. Di algun di e scolnan e resultado tabata decepcionante. Di por ehemplo diestros candidato di Beatrixschool a slaag dos, di e trinta candidatonan di Dominicus College a slaag shete, die e diescho candidatonan di Augustinus College cinco a pasa cu bon resultado, na e otro banda tur e candidatonan di Mon Plaisir school a slaag.

Drs. Mulders a conta nos mas leuw, cu nan lo busca contacto cu e scolnan tocante di e kestion aki.

CA-Annex  
Ora cu e curso di e scol cuminsa na september un parti di Colegio Arubano lo worde hiba den e club di freronan en frente di Rosaschool den Dominicanensstraat.

## PROGRAMA

di e  
6a OLYMPIADA DI A.S.U. 1960

AWE, 29 DI JUNI PA 8.00 P.M.

VELD DI ESTRELLA  
BASKETBALL

PROME ENCUESTRO:

ARUBA JRS. vs. DON BOSCO

(B-klasse)

SEGUNDO ENCUESTRO:

YMCA vs. ARUBA JRS.

(A-klasse)

ENTRADA: FL. 0.50

FL. 0.25



## BOTO DI CORSOW A PERDE

ORANJESTAD. — Poliznan a ser awa door di haveamester ayera mainta pa 11.00 cu un boto di motor, „Marie Sol” di 30 pia largu, blanco cu lista cora, y su dek y parti paden color blauw, cu ta registra bou di e number N.C. 239, pa delaster biaha a worde mira handi di West Point na Corsow dia 26 un. Pies casi tres dia sia cu nan a tende ecla mas di e tripulante.

FATUM — Tel.: 1845  
Pa tur bo aseguranan

## Palea Marina

Diamars maarduga e marinerio S.R. a corre drecta porta principal di Lago cu un herida ariba su wewo drecti. E herida aki parece e mester a hoya dje un botter tira pa un companjero di e mesun hareo „Nassau Cay”. S.R. a worde juda pa Dr. Dussenbroek y e culpable D.S. a bai den cel.

## Choke entre A y D

Aiba Adrian Laclé Boulevard diamars anochi pa dies’un or y cincuenta auto A-7 mancha pa H.E. a corre dal den D-7 mancha pa N.P.L. E auto aki

## DEPORTISTANAN TA PREFERA

E ARTICULONAN DI DEPORTE  
DI  
J. E. P. CABENDA

tabata parkeer canto di caminda. No tabatin danjo personal, mientras cu materialmente e dos autoan a worde destrui pa fls. 400.—

## Cuidador di porta

Dialuna nan a pidi asistencia di polis pa un homber ariba trapi di Fatum den Nassaustraat. M.H.A. tabata hau di influencia y poliznan a bai cunelo.

## Awe nochi: ANTILLAS—HULANDA VIA VOZ DI ARUBA

ORANJESTAD. — Awe nochi cuminzando pa och’or y mel Voz di ruha lo ta transmitiendo directamente e encuentro di futbol entre Antillas Hulandes y Holanda.

Un equipo consistiendo di algun personal di e emisora aki lo sali awe na Corsow pa duna un relato di e weg den Rijnsdieren, directamente pa e oyentenan na Aruba.

E transmision a bira posibel gracias na e cooperacion di Landsradiodienst.

Esaki tadi promer bez cu un wega di futbol hunga na Corsow ta worde transmiti directamente pa un emisora Arubano.

nan di scol ta cuminsa tambe na principio di september, probablemente cu un klas di mas of menos 25 alumnos.

Aki hau ta sigi e nomber di esnan cu a slaag: Tabatin cuater candidato di ABRAHAM DE VEER SCHOOL. A slaag y a worde admitti: Gerschen Bergerson y Paul Lohbrecht.

Na tur tabatin tres candidato di PIETER DE BOER SCHOOL. A slaag y a worde admitti: Huub Treijtel y Jan de Vries.

Tabatin cuater candidato di JULIANA SCHOOL. A slaag y a worde admitti: Cisca Hofman, Johanna van Merveen.

Dos candidato di FILOMENA COLLEGE. A slaag y a worde admitti: Lenie Forman.

Siete candidato di MON PLAISIR SCHOOL. A slaag y a worde admitti: Yvonne Balinge, Martin van Dijk, Peter de Graaf, Robert Henriquez, Leonard de Moulin, Lucie Tjen Ayong y Arend Zwaag.

Diestros candidato di BEATRIX SCHOOL. A slaag y a worde admitti: Jan Hollander.

Tabatin trinta candidato di DOMINICUS COLLEGE. A slaag y a worde admitti: Albert van Breet, Edwin Croes, Marcel Croes, Raul Quilotte, Miguel Reyes y Kenneth Scott.

Tabatin diescho candidato di AUGUSTINUS COLLEGE. A slaag y a worde admitti: Rudi Bisip, Bart Eggers, Rafael Groenewelt, Neco St. Lago y Alfred Soons.

Tabatin bintinuebe candidato di MARIA COLLEGE. A slaag y a worde admitti: Carla Becker, Luciana Bockhoudt, Nicolaas Bockhoudt, Adella Croes, Catalina Croeze, Riet van de Heuvel, Lilian Laclé, Trouse Du Maine, Gregoria Martinus, Joan de Miranda, Shirley Niekamp, Verina Odor, Judith Paskel, Vilma Pieterella, Merle del Prado, Liesje Thijssen y Raguel Wolter.





# BAAS TOMMY



## y su amigonan di Arubaanse Courant

### — LOCO PA PLACA — HETTY GREEN

Tabata un mainta friu, ora cu un muher bistir pover ta camna drenta den un banco na New York. Apesar cu e tabata completamente fai tono den e bistir ei, den un vestibulo moderno manera esun di Chemical National Bank, toch e tabata sigur di su mes y conciente di su obheta. Cu un paki di corant bieuw bou di un brazo, e tabata camna, mientras casi tur e atra clientenan tabata mirele boca habri, ora cu e ta camna drenta den un oficina sin bati na porta prome. Sin paga fina riba e personal cu tabata presente den e cuarta ei, e ta pane e paki di corant casi manera un mama ta pone un jiu chikitu riba cama, y ta cai sinta banda di e paki di corant. For di un dje corantnan e ta saca un sibajo curu y ta cuminsa came esaki poco-poca y cu smaak.

#### Masha pichiri

E personal apenas tabata pone atencion na e muher aki, pa motibu cu den curso di tempo nan a bira costum-bru na su presencia. Apesar cu e bes ea cuando uzo di otro ta kita un bista di banda riba dje, pero sin cu ningun ta risca haci un observacion na su direccion. Esaki casi ta eifica refiro in-mediatamente di e empleado. Paso-bra tur esun cu tabata presente den e cuarta ei, tabata na altura, cu e mu-her bistir den e panja barata y misera-ble ei tabata e miho cliente di banco. Nada stranjio si for di e corant-nan bieuw banda di dje e ta saca algun accionnan cu un balor total di mas di un mijon dollar!

#### Di un te 20 mijon

Kende tabata e figura singular aki? Hetty Green, na e momento ei e mu-her di mas rico, pero tambe esun di mas pichiri na Merca y un dje per-sonanan mas singular cu tabata riba e mundo aki. E tabata loco di placa. Nada otro por a haciela contentu, y nada otro menos feliz. Apesar di tur su riqueza e tabata un pobrecita, cu nunca a sa di compronde compasion cu su prohibicionan.

#### Cuentanan legendario

Si no tabata pa e haragan pa placa cu tabata possee, anto tur hende lo tabatin hopi respect pa Hetty Green. Pasobra nan por bisa loke nan kier-

e tabatin capacidatnan enorme y ade-mas bon cabez. Esaki a keda compro-ba pa e hecho, cu di esun mijon cu su tata a laga pe como herencia des-pues di su morto, cu Hetty a aumenta esaki te na bini mijon. Y esaki no ta algu cu un hende por logra cu suete so.

Cuentanan di su mal curazon a bira legendario y hopi biaha ta worde usa como ehemplo andá awendia. Te has-ta cu su hendenan mas pega e no ta-batin ningun clase di compasion. El a casa cu un fortunado Edward H. Green, pero ora cu esaki a mueri su capital cu especulacionnan Hetty no a vacila, ni un ratu y a bandone mes ora. E homber a sigui pasa resto di su bida den un hotel barata, mien-tras cu apenas e por a mantene su mes na bida cu e poco placa cu su senjora riquisima tabata percura p'e hanja.

Apesar cu Hetty tabatin mijones cu e por a gasta, e tabata bira un bida di miseria. E tabata biba prome den un cas barata na Hoboken, pero des-pues a disidi di pasa pa un pensioner barata. Hopi biaha su unico cuminda pa dia tabata algun sibajo curu, al-gun sandwich, manera e hendenan sa compra na un restaurant, y hopi bia-ha tambe loke e hende chens di ora di e trahadornan, di banco cu ta bai bai trahau cu nan sandwich.

Un dia despues di mei anochi ora cu e ta hanja falta di un stampia e por a bira loco di cabez. E no a duda ni un momento y a sali pa busca e stampia na unda e ta sospecha di a perdele. E ta jega na e lugar y ta bu-sca busca cu un luz swak di un flashlight te cu porfin e la hanja e stampia. Na e momento ei, no taba-tin un muher mas feliz cu Hetty Green na New York.

#### Amputacion

E tabatin un jiu homber cu na edad di 14 aña un mal caida y a herida di rodilla seriamente. Hetty a cuida e rodilla di su jiu lunanan largu, pero ora cu e ta bira peor dia pa dia, y cu e no kier a risca sigui sin yudanza di un dokter el a pone e jiu den man di un hospital di hende pover. E dok-ternan a naci tur loke nan tabata por pa salba pia di e jiu. Pero ora cu nan a tende cu e mama tabata un hende yen di placa, mihor dicho un di e mas riconan na Merca, nan a ponele pa esche entre dos cos. Of e mester

paga pa tratamento di e jiu of e por hiba su jiu cas. Hou di cantidad di zondamentu na direccion di e direc-tor, Hetty a disidi di hiba su jiu pa cas. Poco tempu despues nan mester a kita pia di e muher aki.

Especialmente esun cu tabatin di haci cu 12 dñ negoshi, tabata testigu di su locura pa placa y pa tur keda-ta di haci cu placa. Despues cu el a bira donjo di un compania di treit y un pastor a nidi le permiti na un transaccion gratis, Hetty a replica un proverbio di Jona - 1:3: „Y el a lora cu bieuw y a paga su biah pa a bai”. Esaki tabata mas cu cla pa e pastor, pa compronde cu nada no ta eñi serea e dama aki.

#### Menaza

Duna placa na institucionnan e ta-bata considera como un pika grandi. E unico obra di caridad cu e tabata haci ta fia placa na kerki na un „in-terres di dos por ciento. Un biah cu e termino a eadica e tabata existi e suma di 50.000 dollar cu nan mester a pa-gale. Directiva di kerki no ta mira un posibilidat na hanja e placa na tempu. Pero Hetty a sigui denanda su placa y su derecho. Riba esei e doni a skirbiel un carta y ta declara cu su alma lo bai fieru si e no cambia su puato di bista. Hetty a contesta cu e lo bai fieru trankil, eental cu e sa cu e doni lo cuminsa resa pa su alma di antemano, pasobra denter di un lu-ga cu e no hanja e placa e ta pone e caso dilanti. Locual el a haci tambe.

Su pichiri ta bai asina leuw, cu pa spaar habea e tabata laba e partinan principal di su panjanan so. E mes ta laba y ta seca su panjanan riba lomba di stul.

#### Tabata gusta proverbionan

Hetty Green tabata gusta haci pro-

E equipo Hulandes a vega Corsow aye-ra. Awe noch e wega contra Antillas Neerlandes lo tuma lugar. Riba e por-tret aki e equipo hulandes prome cu e wega contra Mexico a cuminsa, den stadion di Mexico-City.

verbionan masha hopi. Un dje pro-verbionan mas famoso cu e sa usa ta: „Nunca cu compra na cos pasobra e ta barata. Spera un poco prome... po-diser e por bira mas barata ainda. „Tambe e sa bira su jiu den e carita-nan cu e ta skirbi nan. „Come poco-poco y principalmente no hebe awa-ram. Eñe eñtoun pa bieuw of trek, y corda drumi trempa”.

Anja 1908 Hetty Green a laga tur hende na New York keda babuwa. Di-rento e ta bandona su pension barata y ta tuma un cuarto den un ha-tel di mas mihor na unda e tabata paga trinta dollar pa dia. Pa un co-mision na 17 persona e la paga bini dollar pa cuminda. El a ordena bini cura, di mas di suete dollar pa boter. Motibu di su actitud tabata pa presenta su jiu muher di 36 aña den alta sociedad na New York. Mes onverwacht cu e la drenta den e ho-tel, mes onverwacht e la bai trobe, sin duna ningun cuenta na ningun hende.

Pero toch e tabata resultado, pas-o-bra Matthew Astor Wilks di 65 aña, cu e famianan di e fundador famoso di Astoria Hotel, a pidi man di su jiu muher Sylvia.

#### Herencia

Hetty Green no a duna su aproba-cion, pa motibu cu Wilks tabata mu-chu bieuw. Pero e biah aki si e la pega bieuw, pasobra e jiu si a sigui cu su deseo y denter di un jiu a cele-brante e ceremonianan Hetty tabatin bisti un coleccion di diamanta, cu ta-bata bai un fortuna grandi.

Siete anja despues — 1916 — Hetty Green a mueri, lagando un herencia masha grandi pa su jiu. E hobenan aki si tabata sa kiko pa haci cu placa y a cumpra boto, cabai, villa grandi eñt, di lo mihor! Si Hetty Green por a imagina un cos asina, e lo a traha un testament distinto, y talvez lo a usa un dje proverbionan cu e tin custumber di saca for di bijbel.



### Hulanda ta lamenta expresion Ruso

DEN HAAG, 27 juni. — Circulo-nan gubernamental na Den Haag ta lamenta e hecho, cu Rusia a bisa cu e no por atende e discusionnan di desarme na Ginebra mas. Particular-mente pasobra e declaracion ruso a worde haci na e momento cu occiden-te tabata prepara proposicionnan no-bo, manera e representantenan dje 5 nainan comunista tabata sabi, asina fuentenan oficial a informa na Den Haag.

E comision di desarme tabata par-ce un organo apropiado pa efectua negociacionnan „herdadero, pa cual occidente a buta un bon base door di su proposicionnan extensivo y cu e-quilibrio. E problema di desarme lo worde discuti atrobe den Nacionnan Uni, mesos cu durante añanan an-terior. Gobierno hulandes lo peita atrobe cu energia pa realizacion di me-didanan di desarme general y contro-la.

### DESDE CU E CONFERENCIA SUPREMO A FRACASA

NEW YORK, 27 juni. — „Desde cu e conferencia supremo a fracasa Rusia ta stroba realizacion dje pro-grama di intercambio cultural entre Rusia y Merca, hopi, asina e corant mericano „New York Times” a skir-bi awe. E corant ta bisa cu e realiza-cion dje programa pa intercambio di estudiantenan ta worde suspende asi-na tanto pa e rusonan, cu lo e no ta bai la porta mas, pronto.

E corant ta insisti pa gobierno me-ricano no larga e rusonan pone e tam-be adanta un tal actitud. E corant ta di opinion, cu e necesario pa gobier-no y institucionnan privado na Mar-cu haci tur lo posible pa larga inter-cambionan util cu Rusia sigui y na e manera ey kita e efecto di cualkier acto di sabotaje di Krutshof.

### Dennis, de schrik van de buurt!



„Tuma pap, ata pieza pa bo auto bieu cu Sr. Wilson a manda”.

„Hier, paps, onderdelen voor je gammele auto, zegt mijnheer Wilson”.

### Patruja TIGER



— 5 —

Henter e patruja ta scucha cu hopi atencion na loke nan lider ta conta nan tocante e pa-sada cu e auto cu a dal e hom-ber, kende a disparee ora cu nan a bai busca auxilio p'e. Angus ta bisa ora cu e lider ta cla, cu el a sinti di antemano cu tabata bai pasa algu parti-cular.

„Si”. Dope ta bisa. „nos ta corda cu bo a bisa tambe cu e asunto tin algu di haci cu abo-mes of bo famianan. Mi no ta comprende kiko esei tin di haci cu nos anto...”

„Cera bo boca, Dope,” An-gus ta bisa. „tin algu mas ain-da. Tami a papia cu mi tio pa el a skirbi e carta pa nos skip-per pa laga nos kamper riba su propiedad na Inchbay. Ta si-gur cu tin algu ta pasa aya banda pero e mes ta muchu

biuw y mancaron pa bai aten-de e asunto personalmente”.

E palabruhanan uno pa u-no tabata loco di entusiasmo cu e plan. Riba e Kompas-eiland no tin cas. E lugar ta situa como un mija for di cos-ta, y ora cu tempu ta calma bo por rema facil di e isla pa cos-ta firme, pero ora cu tin hopi biento, anto por sucede cu bo ta keda dianan largu sin con-tacto cu tera firme. Pesei ta bon pa nos tin suficiente provision. Locual nos por compra na Mallaig”, Angus ta sigui. Lo tabata un bon idea pa nos skir-bi di antemano pa nan opne nos provisionnan cla pa nos.

Por lo demas e lider ta bi-sa nan pa busca permit di nan majornan pa nan participa den e kampamentu y ta duna nan algun instruccion mas pa pre-

paracion di e biah.

Despues di esaki ta parece cu tempu tabata bula. Order a worde manda pa Mallaig, y malctanan y rugzak a worde paketa. Porfin e dia a jega cu e seis padvinderan ta subi den un trein na e Central station di Morchester.

Cocky a sinta den un huki di e coupe cu un mapa di e lu-gar na unda nan ta bai y ta cu-minza studia esaki cu hopi a-tencion. Ora cu e ta ripara e nomber di un isla chiki dilanti costa un grito ta scapa foi dje y e ta waak Angus cu wowo grandi.

„Ahan, esei tabata e otro punto cu bo a bisa di a discuti-bri”, e ta bisa. „E palabra, cu nos a kere tabata frances?”

Ora cu e trein ta sali, Cocky ta hanja un sentimentu menos agradable de su stoma. Paso-bra e palabra cu e homber den e regenjas blauw a bisa a reso-na manera frances. ARRIVE, locual ta nifica „a jega” y riba e mapa ta para e nomber di e isla na unda nan ta bai „KOM-PAS EILAND” (Allivay).

Nan ta jega Mallaig sin cu

nada particular a pasa durant e biah. Na Mallaig nan ta ba-ha nan maletanan, y ta spera e boto di Campbell, e adminis-trador di tio MacAlpine, cu a keda di bin busca nan pa hiba nan riba e isla.

„Ami no ta mira nada di e boto di Campbell”, Angus ta murmura. „y tio Paul a skirbi claramente e ora cu nos ta je-ga”.

„Posibel cu e ta mara un poco mas aja banda, laga nos bam-weita”, Olly ta opina.

„Tarzan abo ta cuida nos maletanan y rugzak, y ta yu-da pone nan den boto si e bo-to bini. Ami cu Solly y Olly ta bai e tienda cu nos a skirbi pa busca nos provisionnan”.

E tienda di Mackay, taba-ta un lugar chikitu cu un aire un poco siniestre pero e donjo ta ricibi nan cu un sonrisa riba su cara y cu masha cordiali-dad. Oh, boso a bin busca bo-so cosnan?”

„Tur cos ta cla y podiser mi por hanja e biuw Ben Mac-farlan cu su garoshi pa hiba e bultonan pa boso lugar di kam-peer.”

„Esei ta masha bondadoso

di bo, Mister Mackay, Cocky ta bisa. „pero mister MacAl-pine a duna nos permit pa kampeer riba su isla Allivay”. Mackay ta keda sorpresa.

„MacAlpine?” e ta puntra.

„Esei tin hopi tempu sin jega aki banda. Y si boso ta spera un boto saca esei foi boso ca-bez, pasobra esei no ta bini. Y nos no por telefono Inchbay tambe, pa motibu cu no tin co-municacion pa telefon. Pakiko boso no ta bai kampeer un mija poco mas aleu? Mi conoce e un lugar excelente pa boso kampeer.”

„No, danki, nos a dicidi ca-ba cu ta na Allivay nos kier kampeer”, Cocky ta contesta decidido. Pone e blekinan mas abou, idiota, e ta bisa Solly kende a cuminsa ta pone bata-ta mas abou den e sacu.”

„Scucha un ratu”, Mackay ta purba trobe. „mi ta don-jo di un bunita cunucu no mu-chu leeuw di aki banda, y esei no ta costa boso un cent, ade-mas tur dia boso por hanja le-chi frescu gratis di mi bacu-nan. Con boso ta hanja esei?”

E bieuw tabata lombra di

amabilidad, pero Cocky ta ri-pa-ra cu e wowonan chikitu ta fiha duro riba dje. E ta stop di paketa un ratu, y ta bisa tro-be, mira senjor Mackay, esaki ta un oferta masha atraente, pro bo sa, nos a pone nos ca-bez caba pa kampeer riba Al-livay, y nada ta haci nos cam-bia nos idea mas.”

„Anto ta landa boso mester landa bai, e homber ta grita di repente perdendo control di rabia.

Pero mes ora e recupera su bon humor trobe. „Wel, si ta aja mes boso kier bai, bai nu-ma anto... pero corda bon cu tin spiritu malu riba e lugar ei.”

„Spiritu malu?” Solly y Olly ta selama parew?”

„Si”. Mackay a sigui, y esnan cu mira e spiritu ei ta bira loco mes ora”

„No ta nada pa e dosnan ei,” Cocky ta muestra riba e dos rumannan. „Toch nan ca-bez nan cabez no ta muchu hon y asina nan ta caba di bira lo-co por completo. Mientras cu Cocky ta hanja cu e bieuw ta cuminsa bira fastioso caba. „Boso ta cla, laga nos bam?”

e ta bisa e dosnan. Nan ta salu-da Mackay y nan ta bai, con-vcnci uno cu otra cu e bieuw a busca tur manera di stop nan pa nan no bai kampeer riba e isla Allivay.

„Hei, hallo... ahan ta Angus, kiko a pasa, con bo cara ta fastioso asina?” Cocky ta puntra.

„No tin ningun boto ningun parti. Nan ta confrenencia huntu kiko nan lo haci y ta repasa nan provisionnan, locual ta bata un bon idea. Nan a des-cubri cu e bieuw no a duna nan kerosin pa nan pega nan lan-ternanan y tambe juice nan no a hanja. E dos rumannan Solly Olly ta bai busca esakinan. Nan ta spera te dicsdos’r di merdia y ora cu nan ta mira cu di berdad ningun boto ta bin pa busca nan, nan mes ta bai busca un manera pe jega na e isla cuesta loke cuesta.

(E ta sigui)

C. A. VIS

Atlanenstraat 12  
Telf. 1398

IS UW DAK LEK? WIJ  
MAKEN HET IN ORDE.







CISCO KID

1. „No ta pasobra bo ta polis bo tin derecho di mishi cu mi nomber...“ 2. „Calmu! 2. „Quico ta haci bo pensa cu e no ta bay paga?“ 3. „Esey tabata trabau di Lago!“



JUAN EL INTREPIDO

1. Dor cu Kala a mishi cu e jeep, esaki ta bay cay den abismo... 2. „Sin cu e hendenan cu ta drumi a nota algo...“ 3. „E no por proba cu ami a haci e! Nan ta quere mi mas mehor...“ 4. „Pa su manjan mainta...“ 5. „Awor pos a fanita, nos... pero e no tey!“



DICK TRACY

1. „Saquela afor promer...“ 2. „E hombre bieu tabata tira riba di e biento fuerte di e boraan...“ 3. „E canoa mester a worde henta aki door di e ultimo ola...“ 4. „E ta haya masha na e canoa. Ta pesey e la queda aden!“



RIP KIRBY

1. „E siestanan aki cu e familia Farraday ta haci ta fascinadoras...“ 2. „Esiaki ta birando ora pa mas interesante! Dispensa mi!“ 3. „Hm! Un hon manera di huy! E novio ta bay sin cu e novio sa nada!“ 4. „Y un vigila ta corre pa e brug di e familia...“



EL PRECIO DEL TRIUNFO

1. „Derek, na unda bo a hincabo culpa? Mi a cabi di hiba Monica pa su casa...“ 2. „Oh, mi sa, mi sa, hoben...“ 3. „Despues di e escena amorosa den jardin, lo que cu bo por a haci verdad...“ 4. „Quico?“ 5. „Bo ta supone cu mi mester ta civiliza tocinete esey... pero bala tur regla un banda! Pa e biala aki mi quier... ta primitivo!“



EL DIARIO DE UNA VIDA

1. Ta parece cu bo ta masha satisfecho, señor Jones...“ 2. „Mi ta tambe... y hopi!“ 3. „Mi ta supone cu ta e homber mester bisa algo promer...“ 4. „Si?“



PEPITA

1. „Mi a mira bo drenta que-to queto awe mainta...“ 2. „Mi un excusa?“ 3. „Si, hefe...“ 4. „Mi a queda desayunando...“ 5. „hube hasa cu hacaon, pan tosta cu mantequilla, un bon koppi koffie...“ 6. „SII PERO...“ 7. „SABI MASHA BON CU MI TA CU DIETA!“ 8. „Dis-pensa mi, hefe. Mi a paga sonjo!“ 9. „Mi ta pretera esey!“



CICLISTA HAYAL A GANA MEDAYA DI ORO

(Continuacion di pag. 3) luego Reyes di Aruba. E cuartu-nan cu a keda a sigi tres biala rond di e track y especialmente e ultimo vuelta tabata masha preta entre Gaston Richardson di Aruba y Hajal di Trinidad. Pa masha poco diferencia cu un sprint formidable den e ultimo curba, e trituario a gana den 3 minuut y 42 seconde. Number dos a keda Gaston Richardson (Aruba) y number tres Pío Coffie (Corsow).

1/2 Milla clase B: Number uno Alvaro Teixeira (Corsow) den 1 minuut 19.9 seconde; number dos Cristóbal Coffie (Aruba) y number tres B. Frans (Aruba).

Na final di e carrera aki a sosode un accidente lamentable cu e ciclista di Corsow Jose Quintal, kende despues di cruza e meta final poco tras di Coffie a hancie obligá di sigi corbe recto ya cu Coffie no a tuma e curba y sigi ariba e track. Door di esaki y cu su gran velocidad, Quintal a boka contra di e waya y keda tira abao for di unda e mester a worde hiba cu brandeard. Luego di ser atendi pa un corta na su rudio, el a ser transporta cu ambulans pa Dr. Volmer, kende no a constata ningun ruptura, pero pa mas sigur a manda Quintal Hospital caminda X-ray a ser tuma.

Despues di e encuentronan nos a combersa cu Quintal, kende tabata keha di dolor den su rudio robes, unico mieda cu el a banja cora, y den su polsan.

3 Milla clase B: Esaki tabata un interesantisimo carrera. Diezcinco biala e ciclistan mester a pasa rond di e track. E hoben Arubano Cristóbal Coffie despues di a cai den e segunda vuelta a yega y pasa tur su rivalnan. Pero esakinan no tabata laga'e bai mucho adilanti loke a haci e carrera sumamente interesante. E ultimo dos rondanan Coffie a tuma un ventaha cu tabata den peligro un rato, pero cu e no a perde mas. Como number uno el a cruza e meta final den 9 minuut 15.5 seconde. Number dos a keda Alvaro Teixeira (Corsow) y number tres B. Frans.

1 Milla clase juniór: Como num-

ber uno a termina R. Sweetman den 3 minuut 3.5 seconde; number dos K. Nicholson y number tres S. La Cruz. E ciclista R. Maldonado despues di tum a un ventaha oportuno y yegando number dos a cai den e curba final perdiendo su chens di cualifica.

Tur e eventonan di ciclismo tabata masha bon y yen di entusiasmo.

Herman Hope ariba cu cuatro medaya den atletismo

Cu e ta un di mihor atletanan Herman Hope a comproba atrobe dialuna anochi den Lago Sport Park. Ta fresco den nos memoria ainda e performance cu el a duná den e Olimpiada cu anualmente directiva di Lago Sport Park ta organisa en conexion cu cumpleaños di S.M. La Reina.

E biala aki Hope a conquista un di oro, dos di plata y un di koper cuatificando den tur e eventonan cu el a participa, mientras cu el a forma parti di e team di relay cu a gana.

E resultadonan di e diferente eventonan di atletismo ta lo siguiente: 100 yarda carrera: Number uno Edwin Concepcion (Corsow) den 10 seconde; Ramon Sharpe (Aruba) number dos y Herman Hope (Aruba) number tres.

1/2 Milla carrera: Number uno Chinto Werleman (Aruba) den 2 minuut 7.9 seconde. E corredor aki a tene un tempo formidable y a impone su calidad. Number dos a keda Irvin Guy y (Aruba) y number tres Francisco Geerman (Aruba).

1 Milla carrera: Aki Francisco Geerman di Aruba a keda number uno pasando Chinto Werleman den e ultimo parti di e carrera. E sprint di Geerman a sorprende Werleman, kende no a haci esfuerzo pa recupera e puesto di lider. E tempo cu Geerman a marca tabata 5 minuut 17.8 seconde. Number tres tras di Werleman a yega Theo Werleman, un hoben corredor cu di sigi ta un seramente por resulta un di nos mihor corredoran.

Shot Put: Den e evento aki nos por a mira e holandes Rebel, representando Corsow den accion. E atleta aki varios anja tabata campeon di Hulanda y tambe a bai competi den

e Weganan Panamericano na Chicago. El a gana e evento tirando e bala na un distancia di 50 pia 3 inch. Herman Hope a keda number dos tirando hasta menos; su distancia tabata 42 pia 3 inch. Arnold Gittens a hiba e medaya di brons cu distancia di 38 pia 8 inch.

Pole vault: E yankee Hank Smith a supera Herman Hope den e evento aki pa 3 inch. Su altura logra tabata di 10 pia 4 inch, mientras cu Hope a keda number dos cu 10 pia 1 inch. Dennis Stuart cu e barra marcando 9 pia 6 inch a keda dena tercer puesto.

Spearwerpen: Esaki a duna Herman Hope su unico medaya di oro e anochi. Su distancia logra tabata di 162 pia 1 inch. Number dos a keda Ramon Sharpe cu 153 pia 4 inch, mientras cu Arnold Gittens a keda tercer cu 120 pia 4 inch. 440 yarda relay: Unicamente dos equipo a competi den e evento aki, uno di Aruba y uno di Corsow. Esun di e visitantenan a tuma un ventaha cu e promer corredor, cual ventaha Hope como segundo corredor a haci algo menos. E tercer di e team Arubiano Guy tabata esun cu sinemhargo a bai adilanti y pone e team local ariba. Ramon Sharpe tabata esun ultimo y a mantene e ventaha cruzando e meta final completando un tempo di 47.8 seconde.

HOROSCOOP DI AWE

ARIESNAN 11 Maart — 20 April

Satisfice bo cu loque bo tin. Es-un cu baha su mes lo ta alza y vice versa.

TAURISNAN 21 April — 21 Mei

Bon aspectonan ta priminti bo libertad pa bo dedica bo na hobby y expansion.

GERMINENAN 22 Mei — 21 juni

Mira un mane-ra pa bo mante-nen e mehora-lazonan cu perso-nanan den bo ambiente.

CANCERNAN 22 Juni — 23 Juli

Ta consehabla na anda den e dianan aqui, cu bo famia y bichinanan. Busca nan y haci bishita.

LEONAN 24 Juli — 23 Augustu

No haci bo po-sicion mas difi-cil door di sigui bo impulsio-nan. Facilmente bo ta logra fabornan.

VIRGONAN 24 Augustus — 23 September

Awe ta un dia pa bo haci algu pa jama aten-cion di otronan. Acudi bo cu a-migonan.

LIBRANAN 24 September — 23 October

Bon aspectonan ta yuda bo na quita tur cos foi caminda, hasta problema y cos-nan cu b'a neg-lisha.

SCORPIONAN 24 October — 22 November

Pone perso-nan cu quie bo bon na altura di bo deseo y anhe-lonan. Bo por saca ventaja.

SAGITARIUSNAN 23 November — 21 December

Bo por bini na remarca cu perso-nanan cu ta na bo interes. Deber y respon-sabilidad prome cu tur cos.

CAPRICORNUSNAN 22 December — 20 Januari

Bon aspectonan ta priminti un i-den skerpi den tur cos. Mehora bo contacto cu relacionnan na un distancia.

ACUARIUSNAN 21 Januari — 19 Februari

Aspectonan fa-vorable ta yuda na ganashi of ventaja den a-sumtonan di pla-ca.

PISCES 20 Februari — 20 Maart

Actividad co-mun ta priminti placernan y re-sultado. Cambio di aire lo ta ma-sha bon. Busca armonia cu ami-gonan.



(Fo'i responsabilidad di redaccion)

Sr. Redactor di Arubaanse Courant, permiti mi un espacio den bo diario tan lesa aki na Aruba, pa mi publica un inhumilia cu ta ser comete na chauffeurnan di taxi. Hopi hende ta bao di e impresion cu e job di taxi chauffeur, ta un trabao facil i di gana hopi placa. Pero esey ta leuw di tal. Pasobra ta un di e jobnan mas duro, gana apenas pa por biba i keda na rosea. Ademas hopi bez un chauffeur, tin di wanta ultrahe i palabranan sin nodi. Ma apesar di tur esakinan nos chauffeurnan ta traha keto, como nos ta comprende cu pueblo merece un bon servicio di opinion cu pa parti di autoridad, nan mester luna mas coo-peracion posibel pa eleminar tur in-humilianan comete contra anos, cu ta chauffeurnan di taxi. Pero parece den ultimo anjanan, autoridadnan a lubida completamente cu na Aruba ta existi chauffeurnan di taxi. Pa mi por explota un taxi, leyman di gobierno ta exige pa mi tin un vergunning, ase-guro i e auto mester ta bon gekeur. Vergunning cu antes tabata gratis, awor pa completa obra ta costa mi casi fls. 15.00. Inkostenbelasting ta gohierno mes ta carcula cuanto mi ta gana i ta cobra manera cu e ta hanja bon Cual mi ta kere ta tempo pa e carculadonan tambe bira taxi chauf-feur, pa nan weita si enberdad mi ta

gana loke nan ta cobra. Sea mi ta gana si o no, belasting si mi mester paga. I local ami i tur e chauffeur-nan ta considera un inhumilia contra nos, ta; mientras pa nos tini tanto obli-gacionnan, den tur skina riba Aruba ta core mas auto particular sin ningun clase di vergunning o asegurado, ta-haciendo trabao di taxi. Pero tini di nan cu ta traha nan ocho ora na compania, pa despues di a gana nan pan eaba, pa pasa rond Aruba kita nos pan tam-be. Mi sabi cu tini di nan hasta ta cambia shift riba segundo dia di kiensena.

Na Sabaneta tabatin un di mi co-leganan cu pa anja largu a transporta algun Srtas. cu ta traha na Playa, awor di repente ta bini un dama estranhero sin vergunning, sin asegurado lembe e biala aki na un prijs mas barata. Esu-kinan ta clase di inhumilianan cu mi ta suplica gobierno pa tuma un me-dida contra nan. Pa laga polis controla nan debidamente. I no bai di acuer-do cu e enganjo cu ta por nada e autonan particular ta haci biala di taxi. Como ta imposibel pa mi kere cu un homber ta pidi cambio di shift, pa e transporta hende por nada. Un ta den tempo di eleccion so componen-tan di gobierno mester pasa busca voto, pero awor tambe mester demo-strar i comproba cu nan ta sinti pa pueblo. Ples sperando di mira un cam-bio pronto den e situacion aki, mi ta expresa un bez mas mi gratitud na re-dactor di Arubaanse Courant.

Den nomber di hopi chauffeurman di taxi.

Un chauffeur di Taxi

Petrone & Croes

Dakota - Tel. 1712-1639

KOZIJN,

PORTA,

BENTANA

FIN DI LUNA TA ACERCANDO....

PAKIKO NO CUMPA UN

SHIMIS NOBO

Bin scoge di nos coleccion nobo di modelos verdaderamente bunita.

PALAIS ORIENTAL

Oranjestad - San Nicolas

Participacion na Comercio

Nos ta participa pa medio di esaki cu senjor E. L. FERROL desde 1 februari 1960 no ta den servicio mas di CARIBBEAN SALES ARUBA N.V. E rumor cu Caribbean Sales N.V. no ta existi mas ta completamente robes.

Tambe nos kler pone na atencion cu e oficina di Caribbean Sales Aruba N.V. pa motibo di modernizasion desde April a muda di Wilhelmijnstraat 58 pa

IRENESTRAAT 16.

E number di telefoon a keda mescos 1280.

M. CITROEN (LEND)

Apoderado general y Director

Caribbean Sales Aruba N.V.